



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-35/23

Dana: 27.01.2023. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnika Čengić Irfana-dostavlja se;
VEZA: Vaš akt broj:01-04-51520-12/22 od 28.12.2022. godine;

Na Prvoj radnoj sjednici Skupštine Kantona Sarajevo 28.12.2022. godine zastupnik Irfan Čengić postavio je zastupničko pitanje:

„Da li je Ministarstvo unutrašnjih poslova Kantona Sarajevo planiralo da u prvom kvartalu 2023. godine predloži Nacrt zakona o prekršajima protiv javnog reda i mira u Kantonu Sarajevo?“

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo

ODGOVOR

Ministarstvo unutrašnjih poslova je nadležno za unutrašnje poslove u skladu sa Zakonom o unutrašnjim poslovima Kantona Sarajevo, a to su između ostalog poslovi i zadaci koji se odnose na održavanje javnog reda i mira. U Programu rada za 2022. godinu ovog Ministarstva bio je Zakon o prekršajima protiv javnog reda i mira na području Kantona Sarajevo iz razloga što važeći Zakon o prekršajima protiv javnog reda i mira ("Službene novine Kantona Sarajevo", br. 18/07, 7/08 i 34/20) primjenjuje se duže od 15 godina i tokom tog vremenskog perioda, u skladu sa ukupnim društvenim kretanjima pojavila se potreba za donošenjem novog Zakona koji, za razliku od prethodnog, u svom nazivu će nositi i teritorijalni element u pogledu područja na kojem se primjenjuje, a to je Kanton Sarajevo. Radna grupa Ministarstva je završila tekst Nacrta zakona, kojim se na jedan precizniji i jasniji način, putem novog koncepta zasnovanog na odredbama krivičnih zakona, određuju prekršaji i prekršajne sankcije putem propisivanja osnovnog i kvalifikovanih oblika prekršaja protiv javnog reda i mira, što će policijskim službenicima, ali i nadležnim odjeljenjima Općinskog suda u Sarajevo dodatno olakšati primjenu i postupanje u radu. Izvršena je i analiza pokazatelja sigurnosti na području Kantona Sarajevo, posebno statističkih podataka i evaluacija svih prekršaja propisanih Zakonom koji je trenutno na snazi. Iz razloga navedenih proces pripreme Nacrta trajao je duže, dostavljen je ministru i upućen Ministarstvu pravde i uprave, Ministarstvu finansija i Urredu za zakonodavstvo radi davanja mišljenja. Nakon toga će biti upućen na nadležno postupanje Vladi Kantona Sarajevo. Prema tome Nacrt Zakona će biti dostavljen Vladi Kantona Sarajevo u prvom kvartalu 2023. godine. Zastupniku se zahvaljujemo na ponudi da učestvuje u izradi navedenog zakona, ali s obzirom da je faza izrade Nacrta okončana predlažemo da zastupnik primjedbe, prijedloge i sugestije dostavi u postupku javne rasprave.

MINISTAR

Admir Katica



Adresa: Sarajevo, La Benevolencija 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-9-02-2-36/23

Dana: 04.01.2023. godine

SKUPŠTINA KANTONA SARAJEVO
n/r predsjedavajućeg Skupštine

PREDMET: Odgovor na zastupničko pitanje zastupnika Čengić Irfana-dostavlja se;

VEZA: Vaš akt broj: 01-04-51520-8/22 od 28.12.2022. godine;

Na Prvoj radnoj sjednici Skupštine Kantona Sarajevo 28.12.2022. godine zastupnik Irfan Čengić postavio je zastupničko pitanje:

„Da li je Ministarstvo unutrašnjih poslova Kantona Sarajevo planiralo da u prvom kvartalu 2023. godine predloži Nacrt zakona o gorskoj službi spašavanja u Kantonu Sarajevo?“

U skladu sa članom 219. stav 3. Poslovnika Skupštine Kantona Sarajevo ("Službene novine Kantona Sarajevo"- Drugi novi prečišćeni tekst br. 41/12, 15/13, 47/13, 47/15 i 48/16), dostavljamo

ODGOVOR

Ministarstvo unutrašnjih poslova je nadležno za unutrašnje poslove u skladu sa Zakonom o unutrašnjim poslovima Kantona Sarajevo ("Službene novine Kantona Sarajevo" br. 1/16, 26/19, 31/19 i 39/20), a to su: zaštita života i imovine, kao i drugih prava i sloboda utvrđenih ustavima u Bosni i Hercegovini, sprečavanje, otkrivanje i istraga krivičnih djela i prekršaja na području Kantona u skladu sa zakonom, poslovi i zadaci koji se odnose na održavanje javnog reda i mira, poslovi i zadaci koji se odnose na održavanje javnih okupljanja, osiguranje posebno određenih ličnosti i objekata Kantona, kriminalističko tehnička vještačenja, poslovi sigurnosti, kontrole i regulisanja saobraćaja na putevima Kantona, poslovi kontrole taksi vozila i vozača i druge poslove sigurnosti u oblasti saobraćaja, utvrđene posebnim zakonom i podzakonskim aktima, saradnja sa drugim ministarstvima unutrašnjih poslova i drugim organima u Bosni i Hercegovini u okviru nadležnosti Ministarstva, poslovi izdavanja odobrenja za nabavljanje, držanje i nošenje oružja i municije, vođenje propisanih evidencija i vršenje i drugih poslova i zadataka propisanih Zakonom o nabavljanju, držanju i nošenju oružja i municije te ostali upravni i drugi poslovi i zadaci stavljeni u nadležnost Ministarstva u skladu sa ovim i drugim zakonima.

Imajući u vidu gore navedene nadležnosti ovog Ministarstva i činjenicu da su gorske službe spašavanja specijalizirane u djelatnostima potrage i spašavanja u planinama, stijenama, urbanim područjima, nepristupačnim terenima i u teškim vremenskim prilikama i organizovane kao udruženja građana registrovana kod nadležnih ministarstava pravde ovo Ministarstvo nema pravnog osnova da predloži Nacrt zakona o gorskoj službi spašavanja u Kantonu Sarajevo u prvom kvartalu 2023.



Adresa: Sarajevo, La Benevolencija 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

godine. Opasan i odgovoran posao zaštite i spašavanja, koji rade gorske službe spašavanja je mnogo povezaniji sa civilnom zaštitom i mišljenja smo da bi nosilac aktivnosti za pripremu navedenog zakona trebala biti Kantonalna uprava civilne zaštite. Činjenica je da prirodne i druge nesreće, koje pogađaju ljude i njihovu imovinu često prevazilaze mogućnosti civilne zaštite i neophodna je saradnja i sa policijom i službama zaštite i spasavanja tako da će ovo Ministarstvo, na osnovu praktičnih iskustava pružiti pomoć i saradivati u pripremi navedenog zakona.

S poštovanjem,

Prilog:

-CD x1.

MINISTAR


Admir Katića

Dostaviti:

1. Naslovu;
2. Stručna služba Vlade Kantona Sarajevo;
3. a/a.

